

近代中國史料叢刊續編第八十四輯
沈雲龍主編

正定王氏家傳

王耕心撰

附：王蔭祐覺華龕詩存

文藻出版社
有限公司
印行

正定王氏家傳

卷之十
琴瑟
精舍

王聖賢

宗炎敬署

宗炎敬署

正定王氏家傳敘錄

敘曰學不足以知一心胡以爲身謀識不足以知一家胡以爲國與天下謀此皆君子所宜急乃泄泄以從事可憂孰甚焉耕心無狀晞道誼之原莫能徹其涯涘唯於先世文獻仰止既久確知其會通所在此家傳之所繇箸也我王氏奠居正定禩踰五百仕學相引十有四世命世之傑或接迹古賢篤守恆心無所失墜者亦項背相望而求諸家乘記載蕪浩莫能統一若不亟加譔集且虞湮沒無傳故過不自揆廣稽旁證理而董之謹次爲傳以貽後人務宏追遠之

規遂違退讓之雅匪敢專也有所不得已者在也其
論述大例則一本史氏或加埤益必以比義爲斷若
掇拾凡陋以累我先人則有所不忍增不知誰何之
美以誣我先人亦有所不敢得失之故我先人之靈
爽實式憑之雖爲不知者所詬病無恤焉此義法所
在小子所嘗盡心者也烏呼尊祖故敬宗敬宗故收
族收族之制雖末繇復尊敬之誼烏可不求其本然
而志不立知不致視一家如秦越能契性命之奧者
誰歟能擴兼善之量者誰歟能不朽其業以爲祖宗
光者誰歟此尤小子所深懼且彷徨四顧累涕增欷

不能自己者已後嗣達人其亦有取乎此正定王氏家傳五十首總六卷敬次目錄如左光緒十四年太歲在戊子冬十月校定訖付汗青可繕寫其十一月哉生霸弟十九世裔孫耕心謹譔

始祖清源公家傳

四世祖太和公家傳

封中憲大夫開封府知府七世祖後泉公家傳

山東按察使司副使整飭臨清兵備道八世祖方山

公家傳

光祿寺少卿九世祖紹山公家傳

膠州州判九世本生祖見山公家傳

山東左布政使九世從祖思山公家傳

霍州學正十世祖視亭公家傳

贈文林郎宣化縣知縣十世族祖尊思公家傳

附學生十世族祖奕思公家傳

右弟一卷

石埭縣知縣十一世祖百成公家傳

附學生十一世族祖君錫公家傳

太常寺卿十一世族祖恆碣公家傳

贈朝議大夫知府銜永定河北岸同知十一世族祖

冰潭公家傳

附學生十一世族祖軒明公家傳

肇慶府同知十一世族祖紫鉉公家傳

贈修職郎句容縣縣丞十二世祖潔齋公家傳

附學生十二世從祖和璞公家傳

恩貢生十二世從祖文懿公家傳

廣西右布政使十二世族祖止庵公家傳

福州府知府十二世族祖柏崖公家傳

右弟二卷

婁縣縣丞十三世祖厚庵公家傳

任縣教諭十三世從祖蘅皋公家傳

孝子十三世族祖少梅公家傳

南康府知府十三世族祖奕臣公家傳

翰林院孔目十三世族祖瀛一公家傳

萊州府知府十三世族祖樛庵公家傳

處州府知府十三世族祖澂齋公家傳

臺灣鎮左營參將十三世族祖子聘公家傳

右弟三卷

贈通議大夫兩淮鹽運使太高祖廓亭公家傳

樂昌縣知縣十四世族祖眉庵公家傳

海州州判十四世族祖香巖公家傳

饒陽縣教諭高祖漁湖公家傳

龍縣訓導十五世族祖均庵公家傳

贈文林郎夏縣知縣曾王父卜臣公家傳

浙江按察使本生曾王父椒園公家傳

附學生王父琴舫公家傳

知州銜汾陽縣知縣從祖遠亭公家傳

兩淮候補鹽運使司經歷先考鞠龕公家傳

鹽提舉銜江蘇候補知縣世父梅叔公家傳

知府用武定府同知從父五橋公家傳

翰林院檢討從父石廬公家傳

右第四卷

十一世族祖妣邵夫人家傳

十二世族祖妣梁夫人家傳

十三世祖妣梁孺人家傳

十五世族祖妣劉太君家傳

本生曾王母傅淑人家傳

王母傅太君家傳

右第五卷

王氏先正會傳

王氏先碩人會傳

右弟六卷

第十九世裔孫官毅審定官澄夔立譯柳官智官敍
宗炎官穉官潛襄閱二十世裔孫海琳海觀海華海
壽海年海康海容海崧海昆海岑海諶海鑄海曾海
慈海筠海鈞恭校

正定王氏家傳敘錄竟

正定王氏家傳卷第一

第十九世裔孫耕心箸

始祖清源公家傳

公系出太原王氏諱大賢先世山西清源縣羅谷都西峪村人有明洪武三年以選充真定衛右所小旗始遷真定遂爲真定人字不傳後嗣號稱清源公揭先籍也公家真定卜宅城北之權城村及卒葬城東三里屯今塋兆存焉或謂公所居亦在三里屯蓋誤子三曰林曰思忠曰福廣

十九世裔孫耕心曰公遷真定迄今五百二十年保

世滋大宗支繁衍而數典者或致忘祖殆非所以承
先澤也清源於元屬冀甯路於明屬太原府眞定於
元屬眞定路於明屬眞定府清源今日清源鄉并入
徐溝縣眞定自雍正後乃改稱正定而新修正定縣
志於前世縣名宜書眞定者皆改爲正定義例疏謬
不足依據此皆吾宗所宜知也相傳公始遷時夫婦
二人以獨輪車至衣衾釜甌外無長物故清源以上
世次無徵焉居眞定後文獻相承譜牒咸備乃彬彬
然無缺軼矣自公寄迹兵農傳數葉無顯者而每以
潛德懿行見推鄉黨四世祖太和府君開誠化俗令

聞九簪及七世從祖柏軒府君始登仕籍爲學官八世祖方山府君始以科第起家致身通顯繇是三百年來繼繼繩繩守業勿替號吾縣簪姓徵門閥者必及焉蓋皆公之詒謀有以啟之此尤吾宗所宜知也夫世家大族皆以天爵爲盛衰而人爵其後焉者也故當其始莫不崇德懋功然後世業隆起慶及子孫及其衰亦莫不裂冠毀冕然後身名兩敗辱及先祖亞聖之訓乃百世通誼旣昭然矣而妄庸之士每以門祚旣崇轉忘先世功德蔑棄禮法逐欲忘歸大則侮世殃民立見禍敗小亦辱人賤行下伍輿臺乃猶